

3455

~~Kritenice~~

Rozprawy

3163

Kons.
1910

do panowania Jana Kazimierza
Króla polskiego
odwołując się

ot Partynows. za 5 ark.

Książka dezynfekowana

Po przeglądnięciu
umyć ręce

Hist. 3163

15

5

- Carolus 17
Gustavus
- 18 r) S. R. M. Sueciae binae literae, priores ad S. R. M. Christ. et posteriores ad Gen. Ordines foed. Belgii, contra causas expeditionis in Zelandiam contra reg. Daniae. b. m. i r. (k. n. l. 4)
- s) Resurrectio Poloniae auxilio aquilae. b. m. 1658. (k. n. l. 2)
- Pauli 19
Jacob Henric
- 20 t) Epistola amici ad amicum de causis renascentium dissidiorum Sueco-Danicorum. Hamburgi 1658. (str. 10)
- u) Brevis discussio querelarum, quae per regis christ. legatos et internuntios contra augustiss. Imp. Ferdinandum III. propositae sunt. b. m. 1657. (str. 20)
- Frischman 21
Johann
- v) Labores electorii sive solennia electionis et consecrationis. b. m. 1658. (str. 30)
- 22 y) S. R. M. Sueciae commissariorum responsum ad literas legatorum electoralium Brandenburgicorum. b. m. 1659. (k. n. l. 24)
- Frischman 23.
Johann
- z) Censura censurae in collegium electorale amicae. b. m. 1658. (str. 44)
- 24 aa) Bierenklou Math., Memoriale ad eminentiss. sereniss. S. R. I. electores. b. m. 1658. (str. 32)
- 25 bb) Peyrer Isa. Epistola ad Philotimum, qua exponit rationes propter quas ejuraverit sectam Calvinii et librum de Praeadamitis quem ediderat. Francofurti 1658. (str. 36)
- 26 cc) Retz de Joan. Franc. Paul. de Gondi Omnibus episcopis, presbyteris et universis filiis ecclesiae. b. m. 1660. (str. 28)
- Frischman
Johann
- dd) Animorum in Europa et vicina Asia motus de Suecici belli motu in Polonia. Upsaliae 1656. (str. 75)
- 28 ee) Gabrius Luc. de. Injustitia armorum Suecicorum in Polonos responsione apologetica ad epist. Cyriaci Thrasy-machi ad Andr. Nicanorem data, nec non ad brevem et preliminare enumerationem causarum, ob quas Carolus Gustavus R. Suec. coactus est Reg. Pol. bello adoriri. b. m. 1657. (str. 60)
- 29 ff) Elogium funebre Ser. Caroli Gustavi R. Suec. Gothenburgi in Suecia Februario mense a. 1660 extincti. b. m. i r. (k. n. 14)
- 30 gg) Epitaphium Regni Daniae agonizantis, eiusque inopinata convalescentia et generosa resurrectio ex tumulo. b. m. 1660. (k. n. l. 4)
- Rapp 31
Christoph
- 32 hh) Homo politicus auctore Pacifico a Lapide. Cosmopoli 1664. (str. 30)
- Frischman
Johann
- ii) Stetget Harip. Conjectio de futuro Romanorum rege promovendo in imperatorem. b. m. 1658. (str. 22)
- kk) Collegium reliquorum Imp. deputatorum ad Collegium electorale de praesenti statu Imp., imperatore eligendo, scribenda lege, annexis aliis. b. m. 1657. (str. 97)
- 34 ll) Responsio ad duo scripta Danica, quorum alterum sub

titulo Juris feccialis armatae Daniae, alterum sub nonne Manifesti exiit. Francofurti 1658. (str. 39)

35 *mm*) Epistola equitis Romani de eligendo rege Romanorum b. m. 1658. (str. 16)

36 *nn*) Brevis informatio et demonstratio, quam injuriosis et calumniosis persuasionibus feliciss. record. Imp. quondam Ferdinandum III. ejusq. filium Ser. Hung. et Boh. Ig. Leopoldum ablegatus Reg. Suec. coram electoribus et latibus imperii emisso in publ. libello accusatorio ruptae acis insimulare conatus fuerit. b. m. 1658. (k. n. l. 15)

37 *oo*) Scher Mart. Vota Germaniae intranti Austriam obita Leopoldo. b. m. i. r. (k. n. l. 4)

38 *pp*) Biörenklou Math. Memoriale novum in puncto pais et securitatis publ. quod nomine S. R. M. Sueciae d. 4 Maii a. 1658 exhibitum est S. Rom. Imp. collegio electoral. Francofurti 1658. (str. 7)

39 *rr*) Delirus prodromus in viam reductus. b. m. i. r. (str. 36)

Frischman Joha 40 *ss*) Delirus prodromus. b. m. 1658. (str. 14)

Schultz Peter 41 *tt*) Negeschius Petr. Comparatio inter Claudium Tiberium princ. et Olivarium Cromwellium protectorem. b. m. 167. (str. 28)

Frischman Joha 42 *uu*) Classicum belli christiani ad christiani principes omis adversus christiani nominis hostes Ottomanidas. b. m. 161. (str. 37)

43 *vv*) Disjectio rejecta sive iterata et constans querelam Galliarum discussio. b. m. i. r. (str. 22)

Frischman Joha 44 *yy*) Responsum ad nuperam illam admonitionem Gallo juxta ac Germanico stilo adversus sanctius Christianiss. egis consilium publicatam ex causa Mardici Anglis bli contra regem catholicum sociis cessi. b. m. 1658. (str. 32) sk.

5. —
Exp. dobrze zachowany tego zbioru pism ulotnych do panowania Jana Kazimierza odnoszących się. Oprawa z wyciskami i kłarami.

1773. Pękalski Petr. / De Petri militis per S. Stanislaum episc. Crac. resuscitatione. Cracoviae 1826. 8vo (k. n. 2, str. 23) br.

1774. Peterek Jan. Wykład systematyczny zarazy bydłowej, prz J. N. Kurowski. Warszawa 1833. 8vo (str. 108, tabl. —) br.

1775. Petricius Joan. Innoc. Historia rerum in Polonia gestarum anno 1620. Cracoviae b. r. 4to (k. n. 3, str. 77)

1776. — b) Princeps Polonus. Cracoviae 1633. (str. 109) psk. 10. — Palaestra oratoria sive Imitatio Ciceronis. Cracoviae 1624to (k. n. 50) br. 3. —

1777. Piasecki Fel. Wróżka, dramat. Kraków 1861. 8vo (str. 2) br.

1778. — Jac. Mythologia Aeneidum P. Virgilii Maronis. Cracoviae 1635. 4to (k. n. 8) br. — 5

1754. Paradoxa koronne publica i privatim potrzebne szlacheicowi polskiemu, napisane r. 1603. Kraków 1853. 8vo (str. XXI k. n. 1, str. 152, k. n. 2) br. — 25
1755. Paritius Christ. Frid. Commentatio brevis ex historia literaria de quibusdam Silesiis eruditiss in Polonia muneribus functis. Cracoviae 1816. 4to (str. 24) br. — 40
1756. Parkossius Jac. Antiquissimus de orthographia polonica libellus. Posnaniae 1830. 12mo (str. 99) br. — 50
1757. Parthenay v. A. Geschichte von Pohlen unter der Regierung August II. Mietau 1772. 8vo 2 Ty (I. str. XIV i 508; II. str. 640) p. 2. —
1758. — Histoire de Pologne sous le regne d'Auguste II. La Haye 1733. 8vo 2 Ty (I. str. XXIV i 256; II. str. X i 256) 2. —
1759. Paschacy Andr. Sig. Plausus laetitiae publicae ad triumphalem post victorias reditum sereniss. ac invictiss. princ. Joannis III. reg. Polon. etc. expressus. Cracoviae 1683. fol. (k. n. 14) br. — 50
1760. Pasternak K. F. Wielki świat małego miasteczka. Wilno 1832. 8vo T. II. (str. 214) br. — 25
1761. Pastorius Joach. Bellum scythico cosacicum etc. Dantisci 1652. 4to (k. n. 8, str. 269, k. n. 1) p. 7. —
1762. — Florus Polonicus, seu Polonicae Historiae epitome nova. Lugd. Batavor. 1641. 16mo (str. 215, k. n. 16) br. 1. —
Brak tytułu, dedykacyi i przedmowy kart 7.
1763. — dtto. Gedani et Francoforti 1679. 16mo (k. n. 22, str. 851, k. n. 20) psk. 2. —
1764. Paszkowski Franc. Mowa miana przy założeniu podstawy mogiły na pomnik Tadeuszowi Kościuszce 1820 r. Kraków b. r. 8vo (str. 12) br. — 25
1765. Paterkula K. Welleja Historia. Warszawa 1830. 8vo (k. n. 1, str. 276) psk. — 50
1766. Pauli Żeg. Pamiętniki do życia i sprawy Samuela i Krzysztofa Zborowskich. Lwów 1846. 8vo (str. XI i 215) br. 1. —
1767. — Pamiętniki o wyprawie chocimskiej, z rękopismów i druków mniej znanych. Kraków 1853. 8vo (str. XI i 184, k. n. 1) br. 1. —

1772. Pax Polono-Svecica, per deputatos ad id sereniss. ac pientiss. princip. Poloniae, Sveciae Regum legatos coniecta Olivae 1660. 4to (str. 22)

2. b) Pax Germano-Svecica etc. Viennae 1648. (str. 84)

3. c) Wolphius Joh. Pannonia perrorata panegyricae. l. m. 1652. (k. n. l. 10)

4. d) Rewa de Petr. De sacra corona Regni Hungariae. Viennae 1652. (str. 96)

5. e) Copia literarum cujusdem magnae dignationis Poloni Dn. Przimsky ad fratrem suum Dn. Christ. Przimsky Casell. Culm., in quibus amore patriae suae ductus explicat, uid sentiat de tractatu Polonorum cum Austriacis. Cusini 1657. (str. 11)

6. f) Biörenklou Mat. Memoriale iteratum in puncto pacis et securitatis publicae. Francofurti 1658. (str. 12)

7. g) Statera veritatis ad quam responsum Gallicum. b. m. 1658. (str. 27)

Frischman 8. h) Statera veritatem transgressa subversa. b. m. 1658. (str. 19)
Johann

9. i) Circa pacem religiosam ficta veraque propositio in Epist. ad D. Baronem. b. m. 1661. (k. n. l. 10)

10. k) Querelae universi cleri in Majori Polonia et Dioec. Posnan. super barbara Austriaci militis insolentia, in Ord. Eccl. et Christ. patrimonium exercita. Posnaniae 1658. (str. 4)

11. l) Olszowski Andr. Expositiones coram eminentis. D. Elect. Moguntin. b. m. 1658. (k. n. l. 2)

12. m) Olszowski Andr. Memoriale nomine S. R. M. Poloniae et Suec. ad S. E. Illustr. S. R. Imp. Electores, Principes et Ordines. b. m. 1658. (str. 4)

Frischman 13. n) Moguntini labores electorales, praevidi et electorii. b. m. 1657. (str. 45)
Johann

14. o) Grandmont Ant. et H. de Lionne Memorialia bina, primum ad deputationem statuum ord., posterius ad collegium elect. directa. Francofurti 1658. (str. 15)

15. p) Dissectio brevis illius Gallicarum querelarum discussio. b. m. 1658. (str. 16)

16. q) Pacificatio Ratisbonensis inter S. C. Maj. et Regem Franciae. b. m. i. r. (k. n. l. 8)

miss. ac poen-
gratos confeta

(str. 84)
gyrice. b. m.

i Hungariae.

is Poloni in.
sky Castell.
explicat, qid
cis. Custini

actio pacis et

licum. b. n.

p. m. 1653.

io in Epist.

Dioec. P-
tia, in Or-
niae 1653.

is. D. Elec.

M. Polonia
, Principe

electorii. b

bina, pri
d collegium

discussio

et Regem

P

S

PO

PA

AU

SE

PR

LE

O

ELIQUIM FUNEBRE
SERENISSIMI
CAROLI GUSTAVI,
REGIS SVECIÆ,
GOTHENBURGI, IN SUECIA,
FEBRUARIO MENSE,
ANNO MDC LX,
FEBRI CALIDA, CONTAGIOSA,
EXTINCTI.

Sta Viator & stupe!
Suspira infelix ô Suecia!
respira tandem,
anceps diu, jam securior
Germania.

Hic jacet, per quem jacent tot alij,
Regna, Populi, Provincia;
Fas & Fides.

23030
II

§. I.

Spectantia ad nomen Caroli, & Gustavi.



- - Acet, inquam,
CAROLUS GUSTAVUS.

Benè! imò malè *Gustavus*.

Cuius insatiata Ambitio,
cùm Regna integra pararet glutire;
deprehensa tamen postremò fuit,
ubiq; tantùm *gustavisse*.

Licèt ergò non fuerit Gustavus iste multùm amabilis;
habuisse tamen compertus, illud amabilis Jonathæ:

Gustans Gustavi,

Poloniam, Prussiam, Daniam, Curlandiam;

Et ecce ego morior!

1. Reg. 14.

Habuit & illud trium Leonum Rex,
commune cum leonino Samsonis problemate,

De comedente exivit cibus.

Jud. 14.

Quia, quam olim abligurierat prædam,
ab Romano Imperio violentè amorsam,
Pomeraniam,

ante mortem jam cæperat regerere.

Quantoq; congestiorum priùs amaritudinum,

tot gentibus causa extitit;

tantò limpidiorem dein *dulcedinem*,

è repentino jacentis funere *egressam*,

omnis latè vicinia delibavit.

DISCE, VIATOR;

eorum solummodò Regum mortem melleam esse,

quorum vita Populis fuerit acerbior.

Merentur, ut in exangui ore nidulentur apes posthumæ,

qui feri, dum spirant, leones extiterint.

Hæc Viator habes de Nomine Gustavi.

Gustum vel ipso nomine irritatum sentio.

Porro indulgeamus.

A 2

Non

Non habes igitur, quod tibi jam metuas;
Augustum Sacri Pomum Imperij;
Posteaquam duo jam recens in Suecia jacent
GUSTAVI,
Quorum prior, Tui Tantalus manifestior,
ad Luczam, ignobilem pagum occubat in prælio:
Alter,

Æneid. 1.

si qua fata sinant
viam sibi eodem adornans,
Gothenburgi ignobiliter occidit,
morbo è pertinacibus castris contagioso.
Et tanti erat convocasse Regni Comitia.
ut quos calamitatis privatos Consultores habuerat.
haberet quoque publicos exitij spectatores.
Dictus priori nomine, idem fuerat

CAROLUS.
sed quia stirpi Austriacæ,
veterum, & cognotarum simultatum gratiam parum gratiosè addidit,
idcirco de illo Caroli Austriaci,
Plus ultra,
non multum mutuatus

§ II.

Circa originem Regis, è Comitibus Palatinis Germania, ad Rhenum.

Jacet ergo
CAROLUS GUSTAVUS.
ORIGINE PALATINUS COMES,
Fortunam diu minimè Palatinam expertus est,
sed proflus palantem.
Post Fridericum exulem,
exul & ipse, ac palabundus,
neque jam tantum unius Rheni,
sed totius propè Europæ,
Palatinus.
Propriarum opum, ac potentia expers;
alienarum, in Suecia, & alibi,
domi, belliq; comes,

Friderico tamen Palatino Comite felicior.

Vocatus hic à Suecis,

ille ab Hercynijs.

Sed illi computus sine Hospite nocuit;

Huic Regina Hospes,

& hospitalis Suecia,

rationes omnes, summamq; rei

facile composuit.

Illum propria Conjunx, Anglorum Regis Filia;

dum ad summa præposterè stimulando erigit,

ad ima perculit.

Hunc existimata diu sponsa, Magno Suecorum Rege genita;

ad Regium in Suecia culmen provexit.

Illi proinde ad suum in Anglia socerum fasdicere:

Mulier quam dedisti mihi sociam,

dedit mihi de malo.

Genes. 3.

At huic, ad suum in Suecia Auunculum;

Christina tua,

dedit mihi totum, cum Regio Sueciæ pomo.

AD MULIERES PRINCIPES, VIATOR, VENIMUS;

tantisper sistamus.

Et primam quidem illam, omniumq; Principem.

Serpentino sub schemate, Angelus decepit.

Anglica altera,

non Viro tantum,

sed & sibi, Suisq; serpens fuit.

Utraq;

veneno longè serpuro,

etiam natos natorum ab origine intoxicavit.

Nec Anglica minùs, quam Angelicæ fabulatricis,

ad serpentem illam, poena accessit.

Hæc *super pectus gradi* iussa fuit:

Illæ,

ut sui propago Uteri,

Celsitudine Electorali dejecta,

humilis diu, depressaq; incederet,

originali fastu effecit.

Genes. 3.

DE GOTHICA NUNC ACCIPE.

Ab arbore scientiæ, infamis, mulier omnium prima.

A sciendi cupiditate,

famâ celeberrima, Christina.

Genes. 2.

Illâ Virago solum dicta, quod de Viro sumpta.

Hæc & Heroo Gustavi sanguine genita,

& indè Virago maximè,

quod Virum masculè aversata.

Videmur à Palatino evagati non nihil

O Viator.

Et verò,

Prov. 10.

in multiloquio non facile deesse potest peccatum;
præsertim, si cum, vel de feminis, fuerit institutum.

Non importunè tamen earum mentio incidit;

quarum prior,

unius Palatini fortunam in perniciem impudit;

altera ad solium sublevavit.

S. III.

Principis ad Regnum Sueciæ per Christinam

authoratio.

Igitur communi diu Orbis rumore,

Sponsus Christiænæ Carolus,

Regnum, Reginæ locò, sibi conjunxit.

Docente priùs illâ,

Posse etiam Coronis dari libellum repudiij,

Nisi divortium potius videri potuit,

quod in tot deinde divertendi Provinciæ,

occasionem dedit.

Dotem ergo tunc accepit Carolus, sine Persona;

& splendidam nubem, haud evanidam tamen,

apprehendit locò Junonis,

aliò interim se subducentis.

Ad Regnum, adeò tunc fortunatum eVectus,

sed & plures deinde felices progressus sortitus,

potuit videri Fortunæ pullus.

Si tamen

ut benigno illius favore excludi,
ita obstetricem fovere suam,
gratus vicissim didicisset.

Germaniam,
de Suecis dominium illius vendicantibus,
gloriosè videri poterat ultus;
nisi factus Suecorum Dominus,
similia fuisset meditatus.

Quancquàm
fuis ipse moliminibus oppressus.
Et quia in moliminum mentionem incidimus;
Gesta nunc Viri, Virtutemq;
(nam de Fortuna ferè solùm hactenus)
Viator requires!

§. IV.

*Gesta ante Regnum, in Germanica Pace compo-
nendâ; & statim post Regnum, exordium Bremense,
in violanda.*

Diu à Fama abditus,
repentè Exercituum Suecicorum Generalissimus,
in limine ipso
Praga offendit:

Hoc illi omnis futuri omen fuit.
Vel sic docente Astrâ,
posse Fortunam Suecis
in occupandis sedibus Regiis,
dextrè principio existere propitiam;
Virtutem attamen, & possidendi Felicitatem,
ad extremum esse sinistram:
Ad bellum vix venerat Carolus,
& bellare jam desit.
O Pacis amicum Principem!
nisi sævam bellandi orexin,
ipsâ Pace acuisset.
Errâsti delusa Germania,
cùm Pacatorem tuum salutâsti,

*Lexia latio-
ma Slavo-
nicus.*

Pacem

Pacem Norimbergæ confecit,
ut haberet quod deinde violare posset.
Aliis finis belli Pax,
Huic finis Pacis,
Bellum grandius interea apparandum fuit
Nec temerè,
Pax ea confecta fuerat inter pocula;
ut liqueret, quàm facilè
(quoad staturum quidem foret aliquando per ipsum)
esset diffluxura.

Quancquam,
quomodo deesse ibi poterant pocula?
ubi rota,
quemadmodum tricennalis olim belli;
ita pacis dein conficiendæ causa,
ad Principem è Dapiferorum Familiâ
fuerat devoluta.
Et maturè verò satis id experta Brema,
repentina in se grassatione,
sensit Pacem, omni prius Marte temulentiozem.
Hoc primum novi Suecorum Regis,
in Pacem recens à se stabilitam,
Fidei Regiæ experimentum.
Pallium una Imperij Civitas fuit,
quo tantus, qui jam instruebatur, Mavors,
velut sub cortina interim operiretur.
Ut tegmine nihil opus visum amplius;
Dubitavit diu Europa,
quorum is, totâ mole, incumberet.
Nec vanum Pompeij pedem habere videri poterat.
quoquò se intulisset,
facturus terram intremere.

§. V.

Bellum in Poloniam.

Oblata subitò, sed non ex improvîso,
Lechici Regni Corona,

eam delicatus bolus est visa,
ut orexis aliorum tantisper distineretur.

Ita occurrere voluere Fata,
Æsopico plurimum prensatori:
Quod intentione primum Regi fuerat,
supremum executum servatum est;
Et Germano-Austria interim dilata,
dum prenderetur transcursum Polonia;
novas deinde & auctiores vires,
in id ipsum prabitura

Et, quia volverat, jam fuerat prehensa.
PROCERES, CIVITATES, EXERCITUS,
vel conciliati, vel strati, vel perturbati.

Rex jam hic quoque Carolus,
Simodo, quam sibi poscebat apud Populos,
prior ipse Fortunæ habuisset reverentiam.
Eadem igitur levitate fastigio ibi excidit,
quâ ad illud pervenit.

sic nempe,
Idem iter Athenis Thebas, & Thebis Athenas est.

Redierunt ad Dominum Populi
illo graviorem experti.
Mitius sentire debuit, Gustavus,
quid sit Regem tantum esse hybernum,
à Friderico Cognato suo
in cognata Bohemis Polonia,
jam antè ad similem sortem condocefactus.

Et quid mirum
consilia, successusque hyemales
primo Vere fuisse resolutos in nihilum?

Fuit proinde,
vicino septem Trionibus Regi,
Solstitium Hyemale, quàm Æstivum faventius.

§. VI.

Expediitio Danica.

RES PORTENTOSA TAMEN!
Magna calamitas
ad Fortunam rursus optimam aditum aperuit.
Neque aliâ lege è Polonia ejecit Carolum,

B

quàm

quàm ut maris Balchici in manus consignaret dominium.

Ferè jam sine compare,

brevi etiam sine æmulo.

Et non obscure verò maris imperium affectavit Carolus.

Quanquam,

ecquomodo tumentis ille potuisset imperare mari,

qui suo ipsius tumori tam parùm assueverat moderari?

Dignatumne fuisset inconstans illud Elementum Dominum;

qui humanæ ipsemet inconstantiæ,

mox futurus esset exemplum?

Maris tamen (ampliaturus Potentiam) vindicare captabat angustias:

Et publicum, omnium transeuntium navibus,

imponere moliebatur telonium;

Heu nesciens!

Job. 9.

sibi met ipsi, *navis instar pertranseunti*

commune mox naturæ solvendum esse tributum.

Sed funerea tantisper adhuc seponamus.

Sceptrum ergo novum, nova Regni Corona

orbitanei instar spolijs objicitur.

Tanti fuit pigerrimo anni tempore esse tam celerem.

Et cum frigore staret etiam mare;

calentissimè cum exercitu huc & illud volitare.

Ad pacta igitur tumultuaria adactus Fridericus,

nocentiora bello expertus est.

Contra sui ipse Fidem Nominis,

quæ Mars reliqua fecerat, Pace pessumdedit.

Parùm aberat, quin è Rege, non vulgaris Potentiæ,

repentinus fieret Codrus,

& non ille quidem Atheniensis.

Ventum igitur rursus ad arma.

Et quod intulerant præjudicium conventa *Rotschildiana*,

reparare debuerunt *scuta sanguinea*.

Ne Cimbricæ Chersonesi ex integro Rex fieret Carolus,

una Civitas obstitit.

Patuit tunc, quid sit Regem

subditis, & sibi esse præsentem.

Atrox Obsidio,

Ubi duo validi in Europa Principes,

*Rex Athenarum,
qui pro salute pub.
morti se
objecit.*

Uniu

Unius tantum muri intervallo distarent.

Et laboravit omni operâ Carolus,

medium parietem maceria solvere;

ut utraq;

Sueciæ Regnum atque Daniæ

faceret unum.

Non tamen *solvens inimicitias,*

sed inimicam tum vel acerrimè obsidionem perurgens.

Inventum novum.

Per candoris speciem,

deludendam sibi Rex Suecus censuit Danorum simplicitatem.

sed opportunè jam antè, quis foret candor Suecicus,

Fridericus didicerat.

Qui venirent, patuere Sueci,

quàmvis in albos lucis Angelos, per atram noctem transformati.

Et stratagema à nive petatum,

fervore tunc Danico, facile fuit colliquatum.

Neque jam fucatè, & per dolum,

at serio Sueci palluerunt.

Non igitur profuit color candidus,

tam atra animo destinantibus.

Et Suecorum, Danos hactenus vincere solitorum,

præcipua tunc passio fuit; à non asuetis.

Mense Februario, lustrico aliàs, & expiationibus sacro,

parabatur laniena tam inexpiabilis.

Nisi forte (quod hoc mense suetum apud Veteres)

in Christianorum Urbe, renovare Voluerit Carolus,

Dîs Manibus sacrificium:

Notus jam Proserpinæ minister.

Quanquàm autem Calvinistæ (quibus innutritus Rex)

nullum apud Christianos admittant sacrificium,

præter solum cruenti illius typum:

At istud certè, Calviniano sub Rege,

non typus fuisset cruoris;

sit tota, uti apparabatur Coppenhaga, sanguine redundasset.

Nesciebat tum ipse quidem,

eum ardentissimæ oppugnationis diem fore anniversarium

quo Animus ille, à sui ipsius corporis ardore expugnatus;

se Libitinæ dedere cogeretur.

ad Ephes. 2

*Stratage-
ma Sueci-
cum in in-
dusis albis
tempore
nigali con-
tra urbem.*

Clades igitur illa, non diminuit pertinaciam, sed proxitavit.

O novum Antæum!

qui vires resumī putaret cadendo.

Confirmavit Regiè; quam Copenhagà vellet desistere,
cuncta se prius perditum ire.

O fide dignum Heroa!

ut qui obstrictam fidem tam examissim impleverit,
non reliqua tantum, sed & seipsum perdendo.

Neque prius exsolvisse sibi visus fuerit dicti Veritatem
quàm corpore Spiritum & mentem.

§. VII.

Ægritudinis primæ initia, & progressus.

Futura igitur Regis Sandapilæ,

materiem interim è varijs apparabat Fortuna.

Fortuna vocetur tantisper;

quod Numen aliàs, fortuitarum arbitrum, vocare consuevimus.

Duces JAM AMISERAT, & EXERCITUS.

Occupatæ raptim Provinciæ

ad priores ferè Dominos redierant.

Revoluta Polonia.

Recepta Curlandia;

sine spe subveniendi destituta Prussia.

Princeps modorum ceteroqui musicorum peramans,
ignorasse tamen videtur carmen illud,

Non minor est virtus, quàm quærere, paratū tueri.

Hærebat apud Copenhagam,

abeundi magis verecundiâ,

quàm obtinendi fiduciâ.

Illatum subito Pomeraniæ suæ bellum;

In mari præpollens classis Batava;

Res ad Hafniam retrogradæ;

Clades dein Fionica; Noruegia postremò,

boli fuere, à Regio stomacho,

delicatè insuper à Fortuna hætenus habito,

non faciliè digerendi.

Quid mirum ergò,

ex indigestione tanta, febrim ortum duxisse?

Et quomodo indigestione non laboraret.
posteaquàm integra jam, cum Regibus suis, Regna,
tantumq; terrarum spe devoraverat.
Valde crudo certæ eum fuisse stomacho experti sunt;
quotquot crudelem stomachationem veriti,
leniri subinde posse speraverunt.

PRIMA MORBI INITIA, à FRIGORE DUXERE AUSPICIUM.

Volente nimirum Fortunâ,
per id somnium primò, à Rege jam se averfam ostendere,
quo ante meminerat, præcipuè parrocinatam esse.

Frigida ergo alteratio meritò extitit,
quâ temperari oportuit præservidam insolentiam;
quam insolens, à tot retrò annis frigus,
Fionia, alijsq; Daniæ Insulis,
non tam oblatis, quàm ultrò obtrusis,
eidem conciverat.

Quanquàm miror Regem
in eos, quos Fortunæ suæ obstitisse crediderat,
tum vel maximè flammæ & ignes spirantem,
algere adeò potuisse.

Nisi fortè,
factum id dicatis Philosophi, per antiperistasin.
Et verò, si hæc *circumfessio* est *contrarij*,
à tot Hostibus sibi contrarijs,
ardentiùs nunquam Carolus, quàm tum, fuerat *circumfessus*.

Frigus memoratum,
calida & continua febris excepit.

Errastis tamen, ô Medici,
cùm momenta illius à brevi tempore observastis.
non fuit febris illa quatuor tantùm dierum,
sed continua,

(ex quo præsertim Diadema in Suecia Regium induerat)
tot jam annorum.

Perpeti, neq; intermisso unquam paroxysmo,
laboravit Gustavus.

§. VIII.

Morbus recidivus Caroli.

Errastis proinde iterum, Viri Excellentissimi,

Bz

cum

cùm medicaminibus vestris,
 febrim, ad tempus compositam, credidistis.
 Tentaverat id quidem, necdum ultrix,
 verùm ad sanitatem adhuc,
 si fas, revocatura Nemesis,
 non unâ amarâ sorbitione,
 sub finem præsertim, Regi propinata.
 Et quàmvis negotia in Consilio expedire iterum cœperit;
 id tamen ipsum,
 non tam fuit argumentum sanitatis restituta,
 quàm irritamentum ægritudinis novæ.
 Nam si,
 sanguinarijs illis negotijs, saltem tunc sepositis,
 saniora consilia Carolus capisset;
 quodam Telephi Regis exemplo,
 eandem ab Astris manum,
 quàm prius atrociter sternentem,
 expertus fortè fuisset,
 leniter persanantem.
 Aut si Hebræi potiùs,
 quàm Regis Ethnici exemplum arridet;
 habuisset ille;
 (quanquam hactenus de Ezechia,
 præter illud:

Isaia 38.

*In dimidio dierum meorum vadam ad portas inferi:
 parùm prætulero)*
 Habuisset inquam fortasse, aliquot *umbrarum lineas*,
 in vitæ suæ horologio, redeuntis.
 Nisi, captis suis immobilis ipse insistens,
 nullâ eorum, quæ occupaverat, parte decedere,
 sed porrò semper progredi, obstinasset.
Dixi tibi Viator, Medicorum opinione, remisisse febrim.
 Sed ipsis etiam attestantibus,
 graves catharri, humorumq; è capite defluxus
 nunquam posuere.
 Numine scilicet adhuc memori, tot amarorum defluxuum,
 quibus capita, & oculos
 tot lacrymantium aggravârat Populorum.
 QUATUOR HEBDOMADAS,
 visus inducias Regi concedere DEUS;

an pacisci interea vellet amicus?
ubi tempus incassum fluxerat;
ad arma iterum, à belligerante Cœlo conclamatum est.

*Corripitur ergo Gustavus denuò
sed utinam ad emendationem!*

LUCÆ 23.

Quod quia sperari non poterat,
Correptus fuit sed non dimissus.

Non prima hæc Regis
ad sanitatem revocati,
fuit recidiva.

§. IX.

*Morbi fatalis particularia è Medicorum
relatu.*

PRÆLUSIT ITERUM IN HORAS QUATUOR FRIGUS

Erat hic jam gelidæ mortis prodromus.

Secuta denuò febris ardentior.

Sanguine illo,

qui iniquè toties in alios,

in seipsum tandem justissimè exardescente.

Miscuit se convulsio laterum,

vindex Christiani Nominis,

cuius firmum contra Barbaros latus,

in Polonia convulserat.

Accessère cordis arctari angustia,

respirandi copiâ vix indultâ.

Cor amplitudine suâ, tot alienarum Ditionum spatia

complexum, illas meruerat.

Et quomodo commodè spirare poterat,

qui tam multos, tamq; incommodè fecerat expirare?

Neq; crebræ virium defectiones agro aberant;

tum primum Animo illo

defectum, atq; deliquia patiente,

qui solos per excessus, eatenus solitus delinquere.

Dysenteria profluvies se junxerat,

ut experiretur jam miserandus Rex,

non Fortunam tantum cum alijs,

sed ipsum etiam se à semetipso defluere.

Quid continua dicam insomnia?

Hoc fecere

tot

tot placidæ noctes, tot tranquilli, & innocentes somni,
tot urbibus, tot nil meritis Gentibus,
interturbati.

Deniq; febris fuit omnino pestifera.

Ita judicavere Medici,
ita maculæ in corpore defuncti superstites,
confirmavere.

Ipsæ ergo, tot Populorum fatalis contagio,
contagione quoq; suâ non caruit.

Et quemadmodum semper vixerat intus animo,
ita foris corpore, vitâ jam functus
apparuit versicolor.

Medicus, viator, minimè sum,
id scio tamen,

eam, quæ Regem extinxit, febris speciem,
Tyrannidem apud peritos appellari.

An morbus hic Regi
non Physicus tantum,
sed etiam Politicus fuerit?
viderint ij, ad quos attinet,
Politici.

utinam non experti fuissent Populi tam multi!

§. X.

Mors Regis.

SEXTÆ, à RELAPSU IN ÆGRITUDINEM, LUCIS EXORDIO
vitalem hanc lucem,
non prius tamen *concupiscentiam oculorum*
quàm oculos clausit.

1. Joan. 2.

Illud Medicis permirum,
tota ægritudinis intemperie,
consueti aliàs, eiusmodi humorum perturbatione, delirij,
nil accessisse.

Rationis ergò, suiq; semper compos jacuit,
Ut constaret, nullum perituro defuisse tempus,
quo, si vellet, sapere posset.

Appellent id Alij,
Animi ad omnia invicti,
Regiam ad extremum memoremq; sui celsitudinem
Acatholici,

Be

Benignum Numinis, in communem sibi Regem, Favorem;

Ego, in ipsa felicitate summam infelicitatem.

Neque supremum illud solatium DEO favente,
ut titulo insanix

exiguam pro admissis pœnitudinem
posset excusare.

O miserum Regem!

ne ad illam quidem pertineat, pro scelestorū maximis, Orationē;

Pater dimitte illis!

non enim sciunt, quid faciunt.

Lucæ 23.

Orasse tamen fertur ultimò:

istæque morituri jam extitisse voces:

DEUS propitius esto mihi misero peccatori.

Postrema vera esse credo.

Meretur tantum Regis publicè asseverantis autoritas.

Neque enim suspicere, ex privata loqui me confessione,

Calvino hanc illi non indulgente.

Quamvis autem cum Calvinistis

nullum Pœnitentiæ sacramentum admiserit;

Ipsa tamen Regis Pœnitentia, eo vel renuente,

Magnum sacramentum est.

Quamquam magnoperè dubito,

an ad Pignus Gratiæ sit assumptum?

PRIMUM ORATIONIS MEMORATÆ QUOD ATTINET, idem quod

an illud obtinuerit? nescio;

*Sacra-
mentū in
scriptura
subinde
mysterium*

Id scio;

orasse etiam, simili constitutione Regem Antiochum,

Veniam tamen ne-utiquam impetraturum.

2. Mach. 9.

Et quid impetraret Oratio,

contra quam ex adverso tot miserorum calamitates

validius perorabant?

Unde etiam,

si verum velimus asserere,

non tam (ut censuere quidam)

oppressit illum vastitas molis propriæ,

quàm tot Populorum Provinciæ fædè devastatæ.

RIA EXPIRATURUS, SUSPIRASSE MEMORATUR.

Pacem cum Dano infractam;

Curlandum duriter habitum;

C

Tan-

Tantum sanguinis Coppenhagæ aggressu profusum;
sed erat dolor hic non Catholicus;

Utpote

sine proposito emendationis, tumultuariè efformatus.

Informis proinde, nec *valiturus*.

Satisfactionis nulla mentio Regi,
in satisfactione Christi omnia generaliter reponenti.

Nescivit fortè illud Pauli;

ad Coloss. 1.

Adimpleo ea, quæ defunt Passioni Christi.

Quanquam

Quod Passioni Christi adhuc in membris suis defuit,
ipse tot illatis orbi Christiano calamitatibus
abundè supplevit.

§. XI.

Discursus de Morte Regia continuatus.

IN brachijs *Oxensternij* spiritum efflâsse perhibetur.

Vereor tamen,

ne tardus nimis fuerit ille *Boëtes*,

qui Regem, morarum alioqui impatientem,

in Cælum proveheret,

veneritq; tunc primò,

cùm clausa jam esset janua.

Matth. 25.

Cant. 2.

Nec *Dilectus*, qui per cancellas prospicit,

omnes ab eiusmodi commendatos Cancellarijs

semper admittit.

Gothenburgum quidem,

Terminum à Quo, fuisse illi è vita discedenti,

est in confesso;

An fuerit etiam similis Nominis *Terminus ad Quem?*

valde in obscuro.

Sed hæc quidem, longè ultra Zemblam, in altero orbe sunt

Ad cadaver Regium redeamus in Sueciam.

PAUCIS AB OBITU HORIS,

& à febris tunc, & aliàs semper à concitatione animi

fervere solitus Rex, frigidus in glaciem jacuit.

Adeò nullus est tam vividus color,

quem Libitina tandem attemperare non possit.

Illud demiror præterea,

tam bellicosum cætera concitatumque Regem,
(cujus vita potior in campo Martio)
in imbelli tamen domi strato, mori potuisse.
Fas dicere ei post tot prælia, illud Æneæ;

Si Fata fuissent;

Æneid, 2.

Ut caderem, meruisse manu.

Sed non dignatus illum est Exercituum Dominus,
ut apertè caderet in prælio,
qui aliquot Principes supplantaverat in occulto.

Non igitur, hac quidem gloriâ,
(sed neque priùs in alijs)

Gustavum priorem æmulatus est.

Ab illo,

(excepto quòd Suecum penitus se diffiteri non posset)
cætera fraus longiùs & dolus.

Huic familiaria ac penè in contubernio.

Itaque

Suecus ille, tantum non evasit in Germanum.

Hic ejuratâ suâ Germaniâ,

non ornatum tantùm Regium,

sed animum penitus induit Suecum.

MORTUUS ERGO EST REX SVECIAE.

Iterum, iterumque tibi hoc Confirmo, Viator.

Ultra ne ambige.

Sapius quidem aliàs ita proclamatus fuerat;

sed nimirum,

quamdiu sapius mortuus, semper vivus,

Nunc postquàm mortuus tantùm semel;

noli suspectam habere ampliùs fidem famæ,

jam non revocaturæ,

Rex plurium Regnorum spolijs onustus,

Fati tandem ipse proprij spoliū factus est.

Nec mors restituet ultra illum ablatum,

qui dum viveret, nihil unquam solitus restituere alienum.

§. XII.

*Circa Mortis Regiæ Terminum à Quo, & ad Quem
Et mortuus est quidem in Suecia.*

REs mira!

tot absentem alibi annis,
domum solummodo rediisse, ut moreretur.

Nimirum,

non aliâ lege domum reduci merebatur Ambitio
tam longè lateque in peregrinis exspatiata.

Quid novum tamen domi esse mortuum?

Omnes ubicunque demum, non alibi tamen
quàm domi morimur.

Terras lustremus & maria;

trans solis Lunæq; vias,

subinde etiam extra nos ipsos divagemur;
nulli tamen sua mors peregrina est,

sed domestica.

Quid ergò juvat multa designare, longè & à foris?
cùm tandem moriendum intus sit.

Quancum dum vel sic domum Carolus redit
proficiscendi Rex aliàs avidus,

nullum tamen unquam hac longinquiorem profectionem instituit

An celebris tot Regionum lustrator,

ad Terram sanctam quandoque perventurus sit?

Nec ipse comperi, nec tibi quid dicam, Viator, comperio!

Nisi forsitan,

quia locus in quo ultimò stetit,

Gothenburgum fuit;

Terram hanc illi sanctam fuisse existimes.

Ubi non calceamenta tantùm de pedibus,
sed & Animam à corpore solvis.

O Ducem Populorum novum!

in Terras tamen promissas, suos non inducturum,

Ad Limina Apostolorum iudicio meo, vix venit,

qui ea vivens tam parùm coluit,

Undè etiam

vix aliquam, puto, impetraverit indulgentiam,

etsi Romæ haberet Serenissimam Christianam.

Id certum,
in peregrinas abiisse Provincias;
imò in Orbem Alterum.

Atq; jam nunc moratur apud Antipodas;
ubi clarè videt, tametsi fortasse in tenebris;
quàm inverso ordine omnia incedant humana.
Dum itaq; sic peregrinatur Gustavus,
nos interim, Viator, Gothenburgi subsistamus adhuc,
relictas ab illo exuvias contemplaturi.

§. XIII.

*Honor ornando Cadaveri Regio à Suecis mox pra-
stitus Gothenburgi.*

QUARTO POST OBITUM DIE, SUB VESPERAM,
Corpus Regium lignæ tumbæ fuit impositum.

Tali septo coërcendus fuit ille Leo,
qui omne quod ferreum foret & aheneum,
sperabat perrumpere.

Tumba eadem atro forinsecus holoserico,
à foris delicato candidoq; texto bombycino
spectabatur inducta.

Color primus indicium luctus exitit.

Alterum optâsem
intimum non tam fuisse panno quàm Animo.

VESTIS EXTIMA,
quâ Regio in loculo amictus jacuit,
aureis argenteisq; fimbrijs prætexta fuit.
Sic habet!

Rex erat in vivis Carolus.

Utrum tamen egressa jam Regali Corpore illius Anima
fuerit pariter Regina

*in fimbrijs aureis, varietatibus circumamicta?
& à dextris adstiterit?*

Psal. 44.

nonnisi in ultimis orbis Comitijis dirimenda est controversia.

Vestis altera assimilis fertur extitisse illi,
quæ in Coronationibus cæteroqui Gothicis suevit adhiberi.

O rerum humanarum ludibrium!

Ita nempe non alia fuit vestis, magnificè olim Coronati,
quàm luctuosè dein, à Libitina, diademate exuti.

O si supremam hanc immaturi funeris vestem;
solenni Coronationis die
menti obversantem Carolus gessisset!
fortè Regiam Sueciæ Vestem seriùs positurus fuisset.

CAPUT REGIS NITEBATUR PULVILLO,
decoro aromatibusq; referto.

Et pulvillum verò tandem aliquando merebatur caput,
quod tot Coronarum ambitus adeò lassaverat.

Aromatibus tamen tantoperè non indiguisset,
si Christianus Rex

melior Christi odor fuisset.

Cuius pulvillus ille fuerit pretij?

ex me, Viator, non quare.

Status enim meus prohibet me esse licitatorem.

Scio, magni sub hasta ab Augusto redemptum
illum pulvillum,

in quo Romani Equitis caput

tanto ære alieno grave

tam diu, tam securè, decubuerat.

Sed non grave minùs ab ære Carolo extitisse caput

exhausta facilè testabitur Suecia

& amica Gallia,

pro aperiendo, in subsidium pecuniarium, arario
toties implorata.

ubi ad rationem reddendam ventum fuerit,

aliquam pulvinus iste securitatem

coram Supremo Quæstore præstiturus sit?

præsentis non est scrutinij.

Meo quidem, Viator, iudicio,

Optimus & vitæ tempore & à morte pulvinus

Conscia Mens rectè factorum est.

§. XIV.

Constitutio Regni Suedici à morte Caroli.

DENIQUE, REGE DEFUNCTO,

Status Regni Suedici

scribuntur, in bona (ut vocant) esse intelligibilia.

Bene habet!

Si modò de ea verum id obtineat,

de qua

de qua votum illius est, qui ait:
*Utinam scirent, & intelligerent,
ac novissima providerent!*

Deut. 32.

Ecce!

à triginta jam & amplius annis,
Suecia comparuit in omnibus novis.

Tempus foret,

ut pensare aliquando inciperet,
quomodo comparitura sit in novissimis.

Dicuntur tamen iidem status,

Regium in eo non usque probasse testamentum,

quod Fratrem Adolphum

constituisset à fato suo

Sueciæ Generalissimum.

Non tam commendabat in Principe,

Fratrem existere Regium,

quàm displicebat esse Germanum.

Adeò quicquid perfectè Germanum,

Calliditati Suedicæ est semper suspectum:

Regem tamen sanguine amaverat Germanicum,

posteaquàm consuetudine alterà naturà reddiderat suum.

Hactenus Viator de Politicis tantùm disservimus;

Quia tamen,

(in fallor) uterque Christiani sumus;

& aliquas vita functorum sedes credimus,

quid bonorum illuc operum secum intulerit?

indagandi subit curiositas.

§. XV.

Merita Regis Christiana & Politica.

AH DE OPERIBUS, VIATOR CURIOSÉ, NE QUÆRE!

An enim nescis, Calvinistam Regem nulla admisisse?

Pro omnibus illi sola fides extitit;

quæ tamen, quia ferè tantùm humana,

infidè ad extremum inhumaniterque hominem delusit.

Credebat potiturum se tot Regnis

salvum evasurum è prælijs.

At repente, contra suam ipsius fidem, interiit.

Vides ergo,

quàm

quàm parum sola fides ad salutem proſit.
QUIA TAMEN REX CAROLUS FUIT;
quidquamné bono Politico?

Et quia ſimul Chriſtianus,
An præſtitit aliquid Nomine dignum Chriſtiano?
Ordine, ut egit, retrogrado,
ita, Viator, Reſponſum accipito.

FAVENTIOR ILLO IN CHRISTIANUM NOMEN TARTARUS!
Cum Chriſtianis

nimio in Polonia Fortunæ pondere preſſis,
pacem tunc iſte amicam fecit;
cùm ille, jam in exitium lapſantibus
novâ belli mole hoſtiliter ſuperingruit,
Leones in inſignibus Suedicis geſſit.

Non tamen leoninum illud prætulit,
Ut pugna haberet ſuum finem,
cùm videret hoſtem jacentem.

Ovid.

Ubi ergo Leo generoſè deſinit,
ibi ille, à Leonina generoſitate degener, incepit.
Verùm, quid ego. Viator, coram te accuſo Carolum,
ceu Chriſtiano Nomini parùm benevolum?

Imò propalàm eſt,
Chriſtianorum Regnum plurimùm amaviſſe,
quod tanto molimine ſuo ſtudit adjungere;
Quod ipſum tamen ſperare non poterat,
niſi priùs omnem in Friderico adhuc ſuperſtitem
Chriſtianorum & Chriſtiernorum ſanguinem
extinxiſſet.

DIXI TIBI JAM VIATOR,
Quid præſtiterit Nomini Chriſtiano.
Nunc accipe de Bono Publico.

Omnium illius meritorum hæc ſynopſis eſt.
Primus à Pace militem rurfus Imperio intulit.
Quid meditaretur olim Libertati Germanicæ,
in Brema oſtendit,

Novo belli ingentis apparatu vicinos omnes & diſſitos percuſit,
Ubi de terrore ſingulorum triumphaverat;
Ejecit Caſimirum.
Oppreſſit Fridericum,

Cepit

Cepit Curlandum,
Tartaris reliquit, vix non ad Tartara misit
Transylvanum.
Ita novum coagmentavit terrestre bellum
Ottomannicum.

§. XVI.

De quibusdam Mortis Regiæ accessorijs.

SOLENT PRÆTEREA CLARORUM VIRO-
RUM FATA,
varia, vel in Cælo, vel Elementis, ostenta,
seu præcedere seu comitari.

Quasi intersit totius Naturæ,
ut publicè constet magnum aliquem mori & cadere.
Scio multa, in ejusmodi casibus, fabulis subtexi solere,
Fides igitur penes famam sit.

Sub ipsam ferè, dissiti tor terrarum spatij, obitûs horam,
non procul Gedano Urbe Prussorum Principe,
vastæ molis flammantem globum

Cælo decidisse accepimus,

Sonitu horrifico,

dissilientium globorum igniparorum fragorem,
(Granatas vocant) imitante.

Et vero globus ingens Fortunæ Carolus fuit,
tam sublimè in auras sublatus,
ut nisi illa jacturam veller facere inconstantia,
tempus jam foret semel relabendi.

Sed neq; unam Globus iste

Tibi Urbs Gedanensis, cui semper inhiaverat,
nisi tempestivè dissilisset, stragem parturiebat.

Ride jam inanè cadentem,

quæ non abs re trepidaveras.

ad fortem illique nimium excrecentem,

Tanti est non credere Fortunæ initij,

at finem,

(tametsi cum dolore quandoque & patientia)
præstolari.

U L T I M Ò

An aliquid etiam Rextam Potens,
supremâ voluntate moriens alijs legaverit?

D

scire

Scire voles, Viator,
Dicam.
Regno suo calamitatem,
Solatia Hostibus,
Fortunæ de se ludibrium,
Posteris documentum,
Utinam nulli Ambitionis exemplum!

§. XVII.

Documentum à Mortuo Rege datum Posteritati.

IACET ERGO Hic
(paucis concludam)
Serenissimus sine Luce;
Comes, sine Ducibus.
Dux, amissis plerisque Sortis suæ Comitibus.
Jacet Rex, sine sui Regimine;
Princeps Fortunatus, sine Felicitate,
Homo, jam sine mente;
Miser, sine commiseratione;
Christianus denique, sine Christina.
DOCUMENTUM CONSUETO MORE,
vel sic à muto & jacente,
Viator, adhuc præstolabere.
Efficacius enim loquuntur è rostris nulli Tullij,
quàm omni jam loquendi usu in tumultu destituti.
Et verò Carolus Gustavus
Rex fuit multorum,
& orbi, & regibus præsertim, documentorum.
Quantoque magis recentium,
tantò etiam post mortem vividiorum.
DISCITE ergò à SERENISSIMO CAROLO
SERENISSIMI,
ab altitudine diei non esse securi.
DISCITE POTENTES,
A Potentia ad felicem exitum,
non semper bonum esse argumentum.
DISCITE PRINCIPES,
intervallo quàm modico, *primi à novissimis*, sint distantes.
DISCITE MAGNI,

Psal. 55.

Matth. 24.

Nul.

Nullibi quàm in Magnitudine amplius esse periculi.

DISCITE REGES,

Quàm arduum moderari sit Regnis, maximè repentinis.
Omnis enim dignitas insolita, insolentiam ciere est nata.
Aliis jam assuetioribus Fortunam modestius habentibus.
Utpote frequenti usu expertis, Geniū illius valde esse delicatum.

DISCITE FORTUNAE AMASII;

Nil formidabilius esse longâ Felicitate;

utpote, majori deinde mole, una vice sternente,

DISCITE DEMUM OMNES HOMINES,
In ipso tot dispositionum longè Progressurarum procinctu
sublatum Carolum, Sueciæ Regem aspicientes,

Cor hominis disponere viam suam,

Proverb. 16

Sed Domini esse dirigere gressus ejus.

Et quia gressuum hîc se intulit mentio,
Progredere jam per me licet, viator, & abi,
dum ritu tamen Christiano, egresso è vivis Carolo
bene preceris.

Neq; timeas, ne frustra id te jubeam agere,
memor nimirum,

Dominum etiam pro transgressoribus rogavisse.

Esaiæ 55.

§. XIIIX.

Author Hujus Elogii de Seipso.

TAm multa hæcenus de Carolo familiariter egimus
Viator;

Scire voles jam forsitan, quî cum egeris?

Nationem quæris?

Natio mihi amicus, *Germanus sum.*

Et quia omnes Viros honestos diligo,
etiam *Alemanus.*

Factionem nosse desideras?

Non hanc, sed facta attendere soleo.

Nec Turres mihi præfigo, nec Lilia,
nisi fortè, quòd istarum pluris æstimem,
quamvis subinde rigidam,

at solidam tamen, postremò Constantiam,
quàm illorum, primâ quidem fronte candorem,
attamen semper mobilem, & fluctuantem.

Et

*Malac. 3.
Hierem. 1.*

Et quàmvis Austriacus non sim,
Id scio tamen DEVM *ab Austro;*

malum esse ab Aquilone.

De Religione ambigis?

Atheus non sum

Et si priùs fuisset,

Vel solo Regis Sueciæ exemplo,
ut humanis præesse Numen aliquod crederem,
conversus forem.

Pura Veritatis Sectator; non tamen *Puritanus* sum.

Et licet in dictorum meorum fidem totum orbem contester,
non sum tamen è cætu *Protestantium.*

Vertice non adamo Calvos, nec ventre Lutheros.

In Luthero displicet,

eò, quòd in Eucharisticum epulum requirit nimis multum.

In Calvino, quòd nimis parum.

adeòq; Symbolam in id conferat, tantum Symbolicam.

Si ex dictis inferas, me esse Catholicum,
tametsi concederem consequens
negarem tamen consequentiam.

Nisi fortè sit quæstio de voce?

Et *Catholicum* idem esse appelles;
quod *Universalem*,

Tu Viator,

Quantum è signis quibusdam advertere potui,
Francus es.

Et verò, nisi liberum

nulliq; exceptâ Veritate speciâtim obstrictum te scirem;
tantâ libertate quâdam apud Te dicturus non fuisset.

Vicissim,

si volueris, vocare me poteris
seu Battum, seu Batavum.


jam Vale.

Loquebamur in portu Hafniæ.

F I N I S.

1. Pax pax polono-suevica Olivæ d. 3 Majæ 1660
2. Pax Germano-suevica Monasterii Westphalor 24 Jan. 1648.
3. Harmonia perorata etc p Joh: Wolff 1652
4. De sacra, coronâ regni Hungariæ orbi etc Petri de Reva 1652





Biblioteka Jagiellońska



stdr0009395

